

四庫全書存目叢書編纂委員會編

齊魯書社

四庫全書存目叢書

史部
第一六七冊

責任編輯：孫言誠 賀 偉

ISBN 7-5333-0535-3



EB 87/100

四庫全書存目叢書·史部一六七

(大陸版) 限中國大陸發行

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46.75 印張

1996 年 8 月第 1 版 1996 年 8 月第 1 次印刷

印數 1—100

ISBN 7-5333-0535-3

Z·37 史部定價：87600 圓

史部第一六七冊目次

史部・地理類

郡縣釋名二十六卷(二)

〔明〕郭子章撰
華東師範大學圖書館藏明萬曆四十三年刻本

一

目營小輯四卷

〔明〕陸化熙撰
南京圖書館藏明刻本

九四

大明一統名勝志二百八卷目錄一卷(一)

〔明〕曹學佺撰
中央民族大學圖書館藏明崇禎三年刻本

二三四

郡縣釋名二十六卷(二)

〔明〕郭子章撰

華東師範大學圖書館藏明萬曆四十三年

刻本

附《四庫全書總目·郡縣釋名

二十六卷》提要

四川郡縣釋名卷上

泰和郭子章相奎甫著

明州王佐翼卿甫校

四川

四川古梁州地漢置益州部刺史蜀在西南西方

金氣彊梁故曰梁州春秋元命苞曰觜參流爲益

州益之言隘也謂物類並決其氣急切決裂也劉

熙釋名曰益阨也所在之地險阨也酈道元又曰

郡縣釋名 四川上

漢武改梁曰益州以新啓犍爲牂柯越巂州之

壤益廣故稱益云曰蜀者黃帝爲其子昌意娶蜀

山氏女生帝嚳封其支庶於蜀此蜀之始國也一

說蜀葵中蟲也淮南子曰蠶與蜀相類而愛憎異

詩曰蜎蜎者蠋注云本作蜀桑蟲也揚雄蜀本紀

曰蜀始王曰蠶叢則蜀固蠶叢之義也考蠶叢氏

周襄王時稱王故曰蜀始王也稱巴蜀者漢有蜀

郡縣十五巴郡縣十一是也稱三巴者劉璋改永

寧爲巴郡以固陵爲巴東墊江以北爲巴西也唐
名劔南者劔閣而南也我 明名四川者成龍爲
川西邛雅嘉眉欽馬瀘爲川南重慶爲川東保順
潼川爲川北釋名曰川穿也穿地而流也蜀之川
皆神禹鑿之以洩上流也川水以岷江爲大卽四
瀆之一也源出岷山經茂威出灌縣經嘉敘瀘重
慶出峽一嘉陵江源出陝西鳳縣嘉陵谷經廣元
昭化劔州保順至合州與涪江合經重慶出峽一
郡縣釋名

四川上

二

涪江源出西羌經江油劔州入綿州至合州與嘉
陵江合經重慶出峽三江水俱合於重慶郡城皆
川水之大者也

右四川等處承宣布政使司府九州二十一縣
一百一十二軍民府四

成都府

秦蜀郡 漢廣漢

益州

新莽庸

常璩華陽國志周末開明王九世尚自夢廓移治
成都成都之名始此注云夢廓今溫江縣西二十

二里有郭城遺址尚存前此僅僅成邑至尚始盛
都焉秦惠王遣張儀等滅蜀置蜀郡儀築成都以
象咸陽始王名其縣曰成都蜀都賦注武帝元鼎
二年立成都郭十八門公孫述據成都稱帝號成
家晉武帝改蜀郡名成都國唐至德改名成都府
一統志成都山乃青城山之案山也前臨麻姑洞
深不可測與諸洞相連

成都縣

漢益州治

郡縣釋名

四川上

三

附郭本秦名義興府同前漢書成都縣屬蜀郡戶
七萬六千二百五十六有王官蓋在漢已爲大邑
矣

華陽縣

唐蜀縣

附郭唐名取禹貢華陽黑水惟梁州之義揚雄益
州歲曰華陽西極黑水南流洛書曰華陽之壤梁
岷之域華陽國志曰原曰華陽注云華山之陽也

雙流縣

漢廣都

晉寧蜀郡

隋初改廣都名雙流縣晉左思蜀都賦帶二江之雙流是也二江一名汶江一名流江經府城南七里蜀守李冰穿二江通成都皆可行舟溉田萬頃宋郡縣志初李冰既鑿離堆又開二渠一渠由永康過新繁入成都謂之外江一渠由永康過郫入成都謂之內江蜀人以此水濯錦鮮明故又名錦江

溫江縣 隋萬春

郡縣釋名

四川上

四

唐名總志云以江水溫潤也予過溫江詢之父老云溫水發源於岷山至灌口水在山谷中其氣寒至溫江而氣暖故云溫江其說近是邑治東一里有溫泉義亦如是杜詩云水檻溫江口茆堂石筍西卽此

新繁縣

漢繁縣

繁江以江名

蜀漢名本漢蜀郡之繁縣以繁江爲名也按蜀志延熙中梁州胡降姜維徙居之於繁而遷繁民居

新縣故名新繁

新都縣

晉雒縣

梁始康

隋興樂

西漢名縣有新都谷未詳所在西漢書地理志雒縣有章山雒水所出南至新都谷入湔有工官莽曰吾雒縣名上雒新都本此東漢名新都郡晉名新都國以武帝封其子爲王也唐復名新都縣又華陽國志牛鞞縣受新都江去犍爲郡二百餘里今新都江在縣之南豈因是以名縣與酈氏云洛郫縣釋名

四川上

五

金堂縣

漢新都

元懷州

唐名縣東南有金堂峽兩山拱峙河流其中相傳古望帝時其相鸞靈所鑿流經內江富順至瀘州合于大江華陽國志曰有金堂山水通巴漢是也

又名金堂河縣之得名以此一統志四川總志俱云金堂縣屬漢州以地連金堂故名

仁壽縣

晉西城戎 梁懷仁郡 西魏普寧郡 隋隆山郡 唐陵州 宋隆州

隋名文帝開皇間縣名普寧辛酉改元仁壽是歲邑人因獠亂避兵東嶠早苦無水禱泉騰湧事聞以年號改元命縣名仁壽而以東嶠山為飛泉山文獻通考云邑有仁壽山

井研縣

東晉西陽 西魏蒲亭 隋始建

郫縣釋名

四川上

六

隋名按邑志云其邑多鹽井新舊凡八十餘所民不逐末勤事耕鑿自足於用縣北有井鑊山其山俯臨井鑊故云邑之得名以鹽井出鹽也而鹽井在城南七里有鹽井鎮鎮與縣皆以是名

郫縣

古郫邑 唐犀蒲

秦名本杜宇更名蒲卑因以卑名邑故郫為古邑名今治北有古郫城即杜鵑城古蜀帝杜宇舊都城週遭數里高二丈晉李雄據蜀繼都焉又縣有

郫江俗呼為沱江禹貢沱潛既道即此沱也漢書注任豫益州記縣有望川源鑿石二十里引取郫

江水灌廣都田又有郫筒井在治內東土臺突起二井并列臺下有池池畔產巨竹相傳昔人刳竹為筒汲水釀于筒中包以蕉葉纏以藕絲信宿馨香達於筒外名曰郫筒酒杜甫詩酒憶郫筒不用沽是也或曰晉山濤治郫時用筠釀醪酒一旬開之香聞百步故蜀人傳其法云今井池俱存惟

郫縣釋名

四川上

七

竹不產而法亦不傳矣師古曰郫音疲揚子雲郫人至今有子雲墓予過郫經理之周遭築牆題曰漢揚法玄先生墓

資縣

漢資中 後周盤石 唐資州

漢名資中縣後周徙資州治此隋改名資陽明洪武初復名資縣路史曰陳留風俗傳云資姓黃帝後姓纂云益州資中今資州資陽有資川江然資陽城在簡之陽安而郫之無極有資河潭之

益陽有資水或其派裔酈云卽資水之殊目按資

江在縣東四十里受珠江諸水水深百丈爲羣川

總會之所故曰資江邑以是名又縣西有資山上

多異蹟宋范祖禹詩云資山崖谷多神仙又云海

關橫空鎖蜀門資山巖岫若屯雲

內江縣 後周漢安成又中江

後周改漢安爲中江隋文帝因父名忠覽圖見江

水自三堆而環繞至黃市遂改中江爲內江按郡

郡縣釋名 四川上 八一

志源出汶山自灌口分支經漢州新都入簡縣歷

資江而下爲中江經流三堆山下西流而東至縣

後東折而南至樺木南折而西至黃市與三堆山

相距十五里一水周遭環抱九十餘里縣當其中

故名內江楊太史慎云蜀有三江外水卽岷江重

慶至敘州嘉定是也內水卽涪江重慶上合州遂

寧潼綿是也中水卽沱江自瀘州上富順內江資

州金堂漢州是也沈約宋書亦以資江爲中水涪

江爲內水

灌縣 蜀漢都安 唐盤龍俱治灌口又導江

蜀漢名都安縣晉徙治灌口唐貞觀中名灌寧縣

開元初改今名邑西三里有灌口山秦蜀守李冰

鑿離堆山築都江堰分岷源數十派以灌益州千

里之田水由此出故云灌口杜詩云江從灌口來

任豫益州記江出羊膊經甘松至灌千餘里是也

華陽國志云蜀始王曰蠶叢次王曰柏灌注柏灌

郡縣釋名 四川上 九

治今灌縣又一說也

彭縣 周彭國 劉宋晉壽 後周九號

唐名彭州 明改名縣古今志謂彭縣爲周彭國

地承牧誓蔡註彭在蜀西北之誤彭國卽開縣彭

水源開江其陰彭水其陽也在巴國東周武王初

封巴子國鬻彭漢俱入巴可見矣彭縣古與繁縣

元爲一土乃蜀國地秦蜀守李冰能知天文地理

謂岷山爲天彭山乃至湔氐道見兩山相對如門

然謂之天彭門亦曰天彭關縣之得名以此

崇寧縣 唐唐昌 五代梁歸化 宋未昌

宋崇寧初改未昌縣為崇寧從年號名也崇寧宋徽宗改元

安縣 晉汝山 宋石泉軍 元安州 龍安神泉

元名安州 明改名縣本龍安縣地治北有龍安

山隋開皇間蜀王秀立亭館於此避暑安縣之名

起於龍安或曰取安撫西羌之義也

郡縣釋名 四川上 十一

簡州 西魏武康郡 陽安縣 唐清化軍 宋平泉

本漢犍為郡之牛鞞縣隋初名簡州唐宋元因之

明洪武六年改州為縣正德九年復為州後漢

涿郡簡雍節鎮於此民德之於其所居處有山有

池皆曰賴簡而郡縣名亦從簡志不忘也賴簡山

在州東北五十里下有池名賴簡池言所利賴於

簡公者多也

資陽縣

明成化二年割資縣簡州地合而成邑其曰資陽

者本隋之邑名以其當資水之陽也大較取義與

資縣同又按邑志治西有資溪東合鴈江流入瀘

州川宋張方詩資水右旋江會合天臺西直掛文

名序云郡邑得名皆由此

崇慶州 漢江原 晉李漢原 晉晉原 南齊晉康 唐蜀州 唐安

宋紹興中名以高宗潛邸崇慶節度軍名府也

元改名州按新津志云崇寧二年成都人凌勘詣

郡縣釋名 四川上 十二

關言蜀州新津縣民程適名葬父母墳上常有火

光紫氣詔下本郡令徙他處池其穴環山三里內

不許墓郡邑每季檢視明年以其地屢有光景宜

為奉真植福之所乃詔建寅威觀後二年高宗誕

降始封蜀國公竟以潛藩陞為崇慶軍節度遂應

火光紫氣之祥

新津縣 漢武陽

後周名本漢武陽縣後徙治於新津市故易今名

漢州 漢從縣廣漢郡治

唐名本漢廣漢郡地仍以名州前漢書廣漢郡戶十六萬口六十六萬後漢書戶十三萬口五十萬蓋在漢已爲劇郡今城市弘敞與他州殊古語大早不早蜀有廣漢卽此郡也

什邡縣 後周方亭

漢高祖初名按廣漢土地譜云高帝置廣漢郡領十縣應干支通胡在戌陽泉在亥南安在子涪流

郡縣釋名 四川上

在丑梓潼在寅五城在卯新都在水資中在巳犍

爲在午什邡在酉說者以酉位居十故名什邡高祖六年封雍齒爲什邡侯卽此縣中姓雍者多

云皆其後也又按太史公表作什邡功固年表作

汁邡古碑有邡水流而爲十故名什邡然則班史

作汁豈亦字之訛與

綿竹縣 後周晉熙 隋孝水

漢名舊志皆云漢高帝入蜀郡爲廣漢郡置綿竹

縣以其地宜竹故名綿竹又按漢書註地道記曰

有紫巖山綿水之所出焉今治北綿江河源自岷

山出紫巖山經縣東流會金堂峽入洛蜀都賦浸

以綿洛華陽國志綿洛爲浸沃

德陽縣 元德州

東漢名本西漢綿竹縣地後漢書德陽注引華陽

國志曰有劍閣道三十里至險予過其縣道甚夷

或云漢之德陽在今保寧府非今漢州之德陽也

郡縣釋名 四川上

邑有漢孝子姜詩湧泉晉令許遜丹井至今

仙通鑑云縣本名旌陽後改德陽昭許君之德

不知邑名始於東漢許晉人其說非矣

綿州 漢涪縣 西魏巴西 隋金山

隋名治北有綿山自劍閣來連峰接岫綿亘數百

里爲郡主山又治東有綿水發源石子嶺迤邐百

里中至城東爲芙蓉溪南入于涪

彭明縣 晉沙戍漢昌 後魏昌隆 唐初昌

後唐名晉自沙戍移漢昌縣僑治於此後魏改名
昌隆唐先天初名昌明後唐改今名易昌為彰也
唐李白實其邑人至今有匡山讀書臺

羅江縣 晉萬安又改潺亭

唐天寶間名縣東北有羅江即紋江一水自綿竹
來一水自江安來合流潺亭兩水相感蔚然羅紋
抱郭南注而會於中江

茂州 古冉駹國 漢汶山 梁繩州 隋蜀州會州 唐通化郡

郡縣釋名 四川上 十四

唐名州北有茂濕山方輿勝覽云山多木其茂密
嵐氣鬱鬱因名茂濕州之得名以此或曰取武功
之茂烈也

汶川縣 漢綿鹿 晉汶川州 後周汶山郡 宋威戎軍

梁名茂州西南有岷江一名汶江四潰之一也源
出岷山經茂州至威州入汶川轉而東南漸至與
阜江合蘇代告楚曰蜀地之甲浮船於汶謂是水
也漢書汶江道注華陽國志曰滅水駟水出焉

冰寒盛夏凝凍不釋孝安延光三年復立之以為
郡汶川之名本諸汶江者如此

威州 古冉駹國 唐改維州郡 五代蜀中州城

宋名古羌夷地蜀姜維北討汶山叛羌即此唐武
德初於姜維故城置維州宋景祐二年以興州
聲相亂改名威州取威制西羌之意也

保縣 隋薛城 唐 孟蜀保寧

明名本孟蜀之保寧縣省而名保縣也

郡縣釋名 四川上 十五

右成都府屬州六縣二十五 國初有石泉

後省增資陽縣

重慶府 古巴子國 秦巴郡 漢劉璋永安 晉巴都郡 梁後周楚州 隋唐渝州 唐南平郡 宋恭州

周名巴子國宋初名巴州後陞重慶軍節度以其
地界紹慶順慶之間也 明改名府宋紹慶府即

今之彭水縣也

巴縣 古巴子國 秦漢江州縣 後周巴城 隋唐渝州

附郭故巴子國秦漢為江州縣即巴郡治所蜀漢
改為巴縣後周改巴城縣隋唐渝州治於此宋復
為巴縣邑有巴江在府城東北閬水與白水合流
曲折三回如巴字

江津縣

漢江州縣 南齊樊溪口 後周江陽縣置七門郡 唐南平 宋萬壽

漢名江州縣西魏改名江陽縣隋改今名南齊自

郡內移治犍谿口即今治縣左右江水環遶而江北有津人於此渡焉故名江津按犍溪在縣東南

都縣釋名

四川二

十六

前漢

三十里方輿勝覽云江津縣有犍溪流入大江俗

呼為南谿是也邑又有几水即岷江也過縣下合涪水而東當縣治處形如几字故又謂之几江

長壽縣

楚黔中 漢枳縣 唐樂溫

國初名縣東北七十里有長壽山也

大足縣

本合州巴川縣 古昌州地 唐靜南 元昌元

唐名古昌州地志稱土肥地饒民乃大足似矣予過大足邑令言民貧多逋賦以山中有巨人蹟為

對予曰誕矣考邑本唐名唐書武曌長安元年正月丁丑改元大足豈邑以是時建遂以大足名邑如成都之仁壽崇寧類邪又考趙崇綯雞肋云唐則天長安元年司刑寺囚偽作大人蹟五尺改元大足則信誕矣

永川縣

唐分璧山縣地名永川縣義無所考或曰邑之水三溪合而似永字也

都縣釋名

四川上

十七

下五十四

榮昌縣

唐昌元昌州 元昌寧

唐名昌元縣屬昌州宋因之元改名昌寧縣明改今名仍昌州之義也

綦江縣

古綦市 宋南平軍

本古綦市元置南平綦江長官司明改名綦江

縣以縣有綦江源發自播州北至縣環遶於左西入岷江合流東注又邑中猶多綦姓者

南川縣

漢枳縣 宋南平軍隆化縣

唐名以邑有南江由衆溪會三谿經碁市而至南江口合於大江也

黔江縣 唐石城

唐天寶初改石城縣名黔江屬黔州邑有黔江自思州發源凡五百餘里與岷江會於涪州之東水常湛然徹底以其出於黔州呼爲黔江縣因以名

安居縣

漢名 明併入銅梁成化十七年復割銅梁遂寧

郡縣釋名 四川上

十八

土置縣仍名安居輿地考云縣有安居水也今邑志亡安居水止有安居里邑建於里中似以里名矣邑有七里曰安居曰安樂曰安正總之取安寧攸居之義也

壁山縣

漢名本縣之壁山而名也山在治之西南一名茅栗山上有唐刺史趙延之廟輿地考云縣有重壁山按重壁山四面高中央平田周迴約二百里中

有一孤山總志所謂形勝西北險絕東南坦平是也成化十九年添設

合州

古巴子國 劉宋東宕渠郡 西魏石鏡 隋涪陵郡 唐巴川郡 宋石照又改釣魚山 九赤水

本晉巴郡西魏以涪宕嘉陵三江合更名合州按嘉陵江在州治東源派自陝西白水經廣元界過閬果與宕江相合下流涪江在州治前發源蟠冢禹貢所謂蟠冢導漾是也經岷州界過潼川遂寧

郡縣釋名 四川上

十九

至州治前與嘉陵合謂之墊江又名內江上瀘州謂之外江上合州謂之內江杜甫詩弟使蜀詩云數杯巫峽酒百丈內江船此也常江在州治北十里源出巴州界經渠縣廣安州與涪江合卽渠江也

銅梁縣

古巴國 唐初治列宿壩 後治東溪壩 元入巴川

本巴國地楚襄王滅巴封其子爲銅梁侯於此唐長安中因以名縣邑有銅梁山在治南五里山有

石梁橫亘其色似銅故云蜀都賦負銅梁於宕渠是也崖有銅梁山三字唐閭丘道人脩練於上杜甫詩云大師銅梁秀籍籍名家孫我往錦官城兄居祇樹園道人甫之兄審言之孫也晁公武記銅梁山上接岷峨下繚繞越或斷或續屬海而止是爲南戒水合涪曰貫江沱通漢沔控引衆山偕入於海是爲南紀

定遠縣宋女菁地無司事元初武勝軍行和溪

郫縣釋名四川上二十

元初名定遠州後改名縣取枚定遠人之義也

忠州漢臨江後周臨州唐天寶中改

唐名本巴地周末巴蔓子巴國人仕爲將軍國亂蔓子請師于楚許以三城楚已救巴遣使請城蔓子曰藉楚之靈克濟禍難誠許楚王城可持吾頭往謝城不可得也乃自刎使者以蔓子首報楚王王曰使吾得臣如蔓子者何用城爲乃以上卿之禮葬其首巴亦舉其屍以上卿之禮葬於施州漢

末劉璋使嚴顏守巴郡爲張飛所擒顏曰有斷頭將軍無降將軍飛怒命斬之顏色不變曰殺即殺何怒耶飛壯而釋之由此忠烈表著州因以名

酆都縣漢枳縣年都縣蜀漢臨江唐南

漢枳縣地和帝分置邑名平都以治東北有平都山卽道書七十二福地之一也隋改名酆都縣

明易豐爲酆邑曰豐陵里曰豐樂皆本此山而名俗謂豐都爲地獄今止有酆都觀亦無他異

郫縣釋名四川上二十一

墊江縣後周魏安宋貴溪或曰桂溪

秦名漢因之初平間巴郡以墊江爲治建安間以墊江爲巴西郡志又云本漢臨江縣地西魏分置縣復名墊江後周改名魏安元併入酆都名臨江鎮我明仍名墊江縣州志云前後距山谿水夾遠地勢低夷墊溺不常是其義也
涪州漢涪陵後周漢平宋溫山治三台
漢名涪陵縣漢書云涪陵出丹注巴漢志曰涪陵

巴郡之南鄙從枳南入折丹涪水本與楚商於之地接漢時赤田軍常取其民是也蜀漢名涪陵郡隋復名涪陵縣唐名涪州涪州本於涪陵涪陵本於涪江其義一也涪江在府城西北來自嘉陵江經合州至城北入岷江江邊細密之石名青蠟石可作茶磨

武隆縣 漢涪陵 唐武龍

唐初置武龍縣以縣治後山擁護蜿蜒如龍又邑

郡縣釋名 四川上 三

東有龍橋山我明因之改龍為隆

彭水縣 漢西陽 孫吳梁縣陽 隋黔州 洪武羊水信寧都屬紹慶府

隋名文獻通考曰邑有壺頭山巴江彭水因彭水

為邑名也宋之紹慶府即今縣治書曰及庸蜀羌

髻微盧彭濮人蔡注曰盧彭在西北蘇氏小注曰

彭今屬武陽有彭亡蔡指今成都之彭縣蘇指今

眉州之彭山縣其實牧誓所云彭今彭水也詳彭

縣注下

右重慶府屬州三縣十七弘治以前無安居璧山二縣

保寧府 古巴國 秦漢巴郡 劉璋巴西郡 梁南梁州 西魏隆州 盤龍郡 唐

閬州 宋安德軍

華陽志曰東漢末永興二年巴郡太守但望議分

巴郡初平元年中郎將趙穎白益州牧劉璋以墊

江以上為巴郡江州至臨江名永寧郡胸忍至魚

復為固陵郡建安六年魚復人爭巴名璋乃改永

郡縣釋名 四川上 三

寧為巴西固陵為巴東今保寧正巴西郡地也至

五代唐名保寧軍本永寧而名也元改名保寧府

明因之

閬中縣

附郭秦名華陽志巴子後理閬中閬水迂曲繞城

三面故云閬水即嘉陵江源出陝西鳳縣嘉陵谷

至閬中東南經重慶與江水合流郡志云山曰閬

山水曰閬水方輿勝覽云蜀有三秀眉秀於山圖

秀於水普秀於石杜甫詩閬中勝事可斷腸閬州

城南天下稀是也隋名閬內唐復名閬中又改名

閬州郡志云唐魯王靈夔滕王元嬰爲守時以衙

宇卑陋遂脩飭宏大擬於宮苑謂之隆苑後避玄

宗諱改閬苑故邑又名閬苑方輿志曰或謂閬苑

仙境有五城十二樓閬中有五城而無十二樓宋

宋德之爲守乃建碧玉樓於牙城之西南隅亦名

十二樓以成閬苑之勝宋元至我 明仍復名閬

郡縣釋名 四川上

蒼溪縣 秦宕渠 中漢漢昌

晉名邑志云古栢曰蒼澗水曰溪縣治城壕卽曲

肘溪多古栢蒼然故名蒼溪

南部縣 漢充國 西魏新安郡 元新井新

梁名以縣居巴西郡治之南也隋改名南隆唐初

因之開元間避明皇諱復名南部

廣元縣 秦葭萌 蜀漢漢壽 後魏興安 晉

州爲義城郡 唐益昌 宋寧武軍

漢屬廣漢郡元名廣元路後改名府以元人置府

故曰廣元猶漢言廣漢也我 明改府爲州後改

縣

昭化縣 秦宕渠 漢葭萌 劉宋益昌 隋

宋嘉祐五年改益昌縣名昭化昭王化遠被之義

也

巴州 古巴 秦宕渠 梁梁廣歸化 後周

郡縣釋名 四川上

後魏名本古巴國地山海經云太皞四世孫後昭

是爲巴人郭璞云巴之始祖也周武王克殷以

伯主九州西南連帥之地其尹有二一曰廬夷尹

治庸蜀羌一曰微夷尹治髳彭濮又以宗姬封於

巴爵之以子巴子之後分理閬中其屬有濮賈首

貝奴獫夷蛋之類尚書云髳微卽今巴州地也巴

本江名巴閬白三水東南曲折宛若巴字故曰巴

輿地記巴水屈曲成巴字唐李遠詩巴江學字